

المعهد القرآني الدعوي

مادة الدعوة النظري

د احمد شنهاب

اللقاء الخامس

السلام عليكم ..بسم الله والحمد لله والصلاة والسلام على رسول الله

الحمد لله وحده والصلاة والسلام على من لا نبي بعده محمد صلى الله عليه وسلم .

يعني اللهم لك الحمد حمداً كثيراً طيباً مباركاً فيه ملئ السموات والأرض وملئ ما شئت ياربنا من شيء بعد.. يعني احتمال

أنه قد يكون درس لإشباع المادة الحمد لله يعني تقريباً كذا النقاط إلى إتفقنا عليها تكلمنا فيها بفضل الله

إنه قد بقا ممكن يكون آخر لقاء في المادة أولو في في ممكن يبقى في لقاء تاني على حسب ما هحدد مع الدكتور حازم لو في نقاط تانية هنضيفها في المادة ولكن في الغالب دا الأخير يعني اللهم لك الحمد ربنا أتم لنا هذه النعمة وإن كان قصرنا معكم

جامد وإنقطعنا كثير ولكن يعني نسأل الله أن يعفو عنا وأنتم تسمعونا بإذن الله

إن شاء الله إنه قد هنكلم عن لكن قبل ما نتكلم حاب أشكركم جداً يعني ماشاء الله مجهودكم رائع جداً جداً ربنا يجزيكم كل خير ويبارك فيكم وأوقاتكم وأعماركم عملتم مجهود رائع جداً في الواجب إلى فات ماشاء الله كلكم إجتهدتم اللهم

بارك تقريباً الشيخ أحمد بعثلي الواجب من ناس كثير فرغت الدروس وجابت كلام قوى جداً جداً ماشاء الله إلى عجبني إن هما تلت دروس إلا إن ما فيش حد كرر حاجه إلا حجات قليلة جداً يعني تقريباً كل خمسة أو ستة فرغو درس الكلام

مختلف فدا إن دل يدل إن مش كل حد بيتأثر بنفس الكلام إلى في الدرس إنتي بتخدى كلمه وغيرك أثر فيها كلمه تانية أنتي بتأثر فيكي آيه غيرك بيتأثر في حاجه تانية ف ماشاء الله لكن الجميل كلامكم عصركم قوى جداً جداً وفعلاً أخترتو كلمات

فعلاً ماشاء الله هضمتمو المادة حتى في إختياركم للكلمات إختياركم الجميل القصيره المعبره المؤثره مش الطويله إن شاء الله هقرألكم نماذج من إلى أنتم بعثوه لأن ماشاء الله في حجات قويه جداً وأنا عن نفسي إستفدت جداً جداً منها يعني نقلت

كلام كثير جداً منكم

ف إن شاء الله إنه قد هنكلم عن آخر حاجه معنا في المادة وهوا (ترتيب الجوله) إزاي نرتب جوله عناصر الجوله بتتركب من إيه وعشان نركب الجوله هناخذ مثال عملي من السنه إحنا أخذنا بفضل الله أربع جولات في القرآن - جولة مؤمن آل ياسين وجولة مؤمن آل فرعون وجولة إبراهيم وجولة موسى - إنه قد بقا هناخذ جولة ..تركيب الجوله هناخده برده بنموذج عملي

المرادى بقا من السنه من السيره إلى هي أول جوله في الإسلام أو جوله النبي صلى الله عليه وسلم عملها لما نزل قول الله " وأندر عشيرتك الأقربين " جولة جبل الصفا الله يفتح عليكى الحديث إلى روى في هذه الجوله يعنى في تقريباً سبع أو تمن روايات للحديث بمجموع الروايات بتاعت الحديث قدرنا إن إحنا نطلع تركيب الجوله عناصر الجوبه بتكون إزاي هقرألكم روايه أو أتنين من روايات الحديث "عن ابن عباس رضى الله عنهما قال صعد النبي صلى الله عليه وسلم الصفا ذات يوم فقال يا صباحاه فاجتمعت إليه قريش فقالوا مالك قال رأيتكم لو أخبرتكم أن العدو يصبحكم أو يمسيكم أما كنتم مصدقونى قال فإنى نذير لكم بين يدى عذاب شديد فقال أبو لهب تب لك فأنزل الله تب تبت يدا أبي لهب وتب "

وروايه ثانيه بردو هو هتلاقى معظم الروايات عن ابن عباس مافيش غير ده بس عن أبي هريره وروايه عن الزهير ابن عمير الروايه الثانيه عن ابن عباس " لما نزلت وأندر عشيرتك الأقربين صعد النبي صلى الله عليه وسلم الصفا وجعل ينادى يا بني فهر يابني عدى لبطن قريش حتى إجتمعوا فجعل الرجل إن لم يستطع أن يخرج أرسل رسولاً ينظر ما هو فجاء أبو لهب وقريش فقال رأيتكم لو خبرتكم أن خيل بالوادى تريد أن تغير عليكم أكنتم مصدقى قالو نعم ما جربن عليك إلا صدقاً فقال إني نذير لكم بين يدى عذاب شديد فقال أبو لهب تب لك سائر اليوم أهذا جمعتنا فنزلت تبت يدا أبي لهب وتب " يعنى معظم الروايات الإختلاف فى حجج بسيطه خالص ..ناخذ روايه عن قبيصه ابن مخا ---الهلالى وزهير ابن عمير قال قال رسول الله صلى الله عليه وسلم - دول صحابين روى الحديث عن النبي- " يابني عبد مناف إني نذير لكم إنما مثلى ومثلكم كمثل رجل رآه العدو فإنطلق يريد أهله فخشى أن يسبقوه إلى أهله فجعل يهتف يا صباحاه يا صباحاه أتيتم أتيتم " وناخذ روايه أبي هريره لما نزلت هذه الآيه وأندر عشيرتك الأقربين دعا رسول الله صلى الله عليه وسلم فاجتمعوا فعم وخص أى فعم منهم وخص يا بني كذا وجعل ينادى على الرجل بإسمه فعم وخص فقال يا بني كعب ابن لؤى أنقذو أنفسكم من النار يابني عبد شمس أنقذو أنفسكم من النار يا بني عبد مناف أنقذو أنفسكم من النار يا بني هاشم أنقذو أنفسكم من النار يا بني عبد المطلب أنقذو أنفسكم من النار يا فاطمة بنت محمد أنقذى نفسكى من النار فإنى لا أملك لكم من الله شيئاً غير أن لكم رحماً فأبوها ببلاها " .

دى روايه أبي هريره أكثر روايه مختلفه عن الروايات السابقه وفى تقريباً تلت أو أربع روايات أخرى وردت عن ابن عباس وإن كان مافيش إختلاف كبير بين هذه الروايات فمجموع هذه الروايات

إن شاء الله ناخذ إزاي التحليل التركيبى لجوله إزاي النبي صلى الله عليه وسلم ركب جوله إزاي النبي صلى الله عليه وسلم

عمل الجوله أول حاجه من فنيات الجوله الى المأخوذه من مجموع طرق الحديث

_أول حاجه النبي صلى الله عليه وسلم عملها : إختيار المكان والزمان أو التوقيت فهنا النبي صلى الله عليه وسلم إختار

مكان مرتفع لكى يظهرله جميع الناس إلى هو جبل الصفا مكان مرتفع وموقع متميز جداً جداً إلى ييجتمع عنده رؤس

الأموال من العرب ييجتمع عنده أثرياء العرب جبل الصفا إلى ييجتمع فيه كثير فى من الحجاج والمعتمرين إختيار مكان

مناسب زى كذا قول الله "حتى يبعث فى أمها رسولاً " إن أنت بتختار مكان مناسب مميز زى كذا بفضل الله بنزل نعمل جوله

بختار مكان مميز بختار مثلاً أكثر مكان متمركز فيه الشباب مثلاً رايح مثلاً قريه تختار مركز الشباب بتاع القريه تختار مثلاً القهوه إلى بيجمع فيها شباب كثير فأنت بتختار المكان المميز وتان حاجه التوقيت المميز صلى الله عليه وسلم إختار وقت ناس كثير متجمعه فيه إلى هو وقت تجمع الناس يعني أنت نازل تعمل جولته بتختار وقت مميز ما ترشح قهوه وفي ماتش شغال مش هتعرف تجذب إنتباه الناس ماترشح تعمل جولته مثلاً الظهر فإختار مكان مميز يكون في تجمع على بحيث تكلم أكبر قدر من الناس يبقى دا أول حاجه إختيار المكان والتوقيت المميزين .

_تاني حاجه : البدايه إلى بنسميها الدخلة إن أنت بتبدء بدخله تدخل بدخله تجذب الإنتباه النبي صلى الله عليه وسلم عمله بدأيجذب إنتباه الناس ولقت أنظارهم إليه بشكل في غاية الإثارة النبي صلى الله عليه وسلم جعل يقول يا صباحاه يا صباحاه أتيتم أتيتم ومعناها أى صبحكم الله بالعدو آتاكم العدو وكان في هذا التوقيت ليه قال أتيتم... قالك لأن في هذا التوقيت كان في حرب بين قريش وبني كنانة فالنبي إستغل دى إن هو يدخلهم بدخله عشان يجذب إنتباه الناس فدى إلى بنسميها الدخلة الخاطفه البدايه المؤثره الخاطفه ف النبي صلى الله عليه وسلم برود من ضمن الدخلة جعل ينادى عليهم بطناً بطناً يا بنى فلان يا بنى فلان عشان يجذب إنتباهه الناس كلها يبقى دى إسمها الدخلة المؤثره وفي الروايه الأخيره إلى إحنى قلنها فعم وخص قعد ينده عليهم على العموم وبعد كدا التخصيص لحد ما وصل ليافاطمة بنت محمد فعم وخص .. شوف إزاي الناس إستجابت لدخلة النبي لما كانت بداية الجوله مؤثره شوف بقا أثرها على الناس الراوى يقول فجعل الرجل إن لم يستطع أن يخرج أرسل رسولاً لينظر ما هذا الرجل غلى ماكنش قادر يروح من تأثره بدخلة النبي صلى الله عليه وسلم الخاطفه كان بيعت حد من عنده عشان يسمع.. والنبي صلى الله عليه وسلم عمل كدا ليه ليضمن بهذا أكبر عدد ممكن من الناس يجتمعوا له ويستمع لرسالته ف النبي صلى الله عليه وسلم لم يخجل ولم يخف مخجلش ولم يخف زى ما كنا بتكلم المره إلى فانت إن إحنا ما نتكسفش في ذات الله إنت نازل تتكلم عن ربنا سبحانه وتعالى --- زى ماقلتكم الراقصه بتطلع ترقص ف إحنا من باب أولاً مانتكسفش ونخجل مما معنا من الحق يبقى تان عنصر بنسميها البدايه الخاطفه إنك تخطف الناس تجذب إنتباه إلى أنت بتكلمه وقوة الجوله ونجاحها على حسب البدايه خاطفه يعني ماشاء الله من أكثر الناس إلى بتأثر جداً بيها لما ينزل معاه جولات د حازم ماشاء الله يعني ربنا يبارك فيه بدايات خاطفه يعني بيثبت الناس فالبدايه الخاطفه تجذب إنتباه الناس وتخلي الناس منتبهه ليك طول الجوله .

_تالت حاجه : كلام الجوله يبقى إحنا قلنا إختيار المكان والزمان دا عامل مؤثر جداً وهو مهم جداً نازله تكلمى بنت نازله تكلمى واحده أختارى المكان المناسب وكمان الوقت المناسب ماتجيش رايحه تكلمى بنت مثلاً ماشي مستعجله وعليها محاضره ماتروحيش توقيها

تالت عنصر معنا كلام الجوله الكلام بقا فبعد أن تجمع الناس بدأ النبي صلى الله عليه وسلم بكلام بدأ بمثل خاطف النبي بعد ما جاب الناس ب البدايه الخاطفه دخل في الجوله بكلام الجوله بمثل خاطف المثل عشان يفضل برود جاذب إنتباه الناس المثل إلى النبي صلى الله عليه وسلم إختاره يفسر لناس لماذا جمعهم إختار مثل بيوضح لهم أنا جمعتمكم ليه فقال إنما مثلى

ومثلكم كمثّل رجل رأى العدو فإنطلق يربأ أهله فخشى أن يسبقوه "أن يسبقه العدو إلى أهله" فلو حد سألك أنت ليه بتبدأ في لاجوله بمثل إشعنا بمثل.. تستطيع أن تقول بكل ثقة هكذا فعل النبي صلى الله عليه وسلم النبي بدأ بالمثّل رأيتم درب الأمثال زى ما إحنا خدناها بالتفصيل وإحنا بنتكلم في فن الدعوه إن أنت ديمآ تدخل الأمثال والقصص المؤثره طيب بيقلهم إنما مثلى ومثلكم كمثّل رجل من الرجل هنا النبي صلى الله عليه وسلم يقصد بالرجل نفسه.. والعدو أن الذى يأتي عليك يقتلك هو العدو ويقصد به هنا عاقبة الذنوب في الدنيا النبي يشبهلهم عاقبة كفرهم وعاقبة ذنوبهم ومعاصيهم بالعدو ليه لأن زى ما قلت إستغل إن في حرب بين قريش وبين بني كنانة إستغل ظروف الناس فدخلهم المدخل بتاعهم فهنا شبهلهم معاصيهم وكفرهم بالعدو المعصيه إلى هتهلكك دى العدو بتاعك ونستخرج من هذا الكلام النبي دخل من مدخل الأثر الدينوى للمعصيه إلى إحنا قلناهم ..

المدخل المؤثره للقلب الأربعة " الأثر الدينوى للطاعه والأثر الدينوى للمعصيه ، الأثر الأخرى لطاعه والأثر الأخرى للمعصيه ، معرفة الله نتكلم عن ربنا وعظمته وصفاته وجلاله ، هم الدين " دى مدخل القلب الأربعة وتعتبر هذه المدخل هي الأكثر تأثيرآ في الناس بشكل عام فأنت بتشوف إلى قدامك ممكن تدخله منين واحد مثلاً مهموم ب الدنيا و مشاكل الرزق وغلاء الأسعار ادخله و اتكلم عن الأثر الدنيا لطاعه

زى ما أخذنا في الدرس بتاع ماذا لو إختارنا الله واحده مثلاً واقعه في معصيه كلميها عن الأثر الدينوى للمعصيه وإزاي المعصيه بتكون سبب في حرمان العبد من الرزق نتكلم عن هم الدين وعن إزاي إن إحنا نحمل هم الدين وإزاي إن الصحابه ضحوا وإزاي إن الدين بينتهك حرماته في كل مكان فدا بردو مدخل ، تاني مدخل معرفه الله ودى من أقوى المدخل الحقيقه

فخشى أن يسبقوه "أن يسبقه العدو إلى أهله" دي البداية الحانية الرقيقة :

انك تحسس الي قدامك أنك خائف عليه مثل الجولات اللي فاتت يا اتبعوا المرسلين و يا يقوم اني أخاف عليكم انك تحسس اللي قدامك انك فعلا يا أختي يا حبيبي انك تحسسي اللي قدامك انك بتحببها وبتخافي عليها ودول هم العاملين لو المدعو حاسهم منك هيسمعلك ووجد هيتأثر لو حس فعلا انك بتحبه وانك فعلا مخلص لله في هذه الكلمات والحاجة الثانية لو حس فعلا انك خائف عليه وحريص عليه هيتأثر عشان النبي صل الله عليه وسلم دخل من المدخل ده مدخل الحنان والكلمات الرقيقة فخشى ان يسبقوه يعني النبي صل الله عليه وسلم يقول لهم انتم أهلي وناسي فدي معاني الحب أنه بيكثر الحواجز اللي بينه وبين الناس عشان يقبلوا دعوته ومن هنا يمكن أن نستخرج أن تكون بداية الكلام فيها معاني الحب زي ما قلت لكم تكلم اللي قدامك مثلاً بتقول له انت عارف انا بكلمك ليه انت عارف لان النبي صل الله عليه وسلم يقول لا يؤمن احدكم يجب لأخيه ما يجب لنفسه وأنا يجب لنفسى الجنة يبقى لازم أحب لك الجنة انا يجب لنفسى الخير يبقى لازم أحب لك الخير ده مدخل جميل جدا لا يؤمن احدكم حتى يجب لأخيه ما يجب لنفسه وايضا من ضمن المدخل التي

نستخدمها في الجولات عندنا وجبت محبتي للمتحابين في وللمتيزرين في وللمتجالسين في وللمتجالسين في يتكلم واحده وتقولي له انت عارفه انا جايه اكلمك ليه لان ربنا يقول وجبت محبتي للمتجالسين يعني انا قاعده انا وانت بنتكلم عن ربنا وينسمع عن ربنا ربنا يقول وجبت محبته لنا وايضا من الحاجات اللي ممكن نستخدمها الهدايا البسيطة البنون أي هدية بسيطة لو قلم يعني من الناس اللي شفتهم الشيخ مصطفى العدوي ربنا يجازه خير ما شاء الله ما يشفناش لازم يدينا هدية امبارح كنا مع الشيخ مصطفى والشيخ حسان والدكتور أحمد النقيب فالشيخ مصطفى لازم يهادي اللي قدامة فراح مطلع القلم الذي في جيبه وأعطاه للدكتور أحمد النقيب فنتعلم من دي فعلا ان الهدية بتاثر اللي قدامك مهما ان صغرت عشان النبي صل الله عليه وسلم يقول تهادوا تحابوا والحديث ده تقوله للي قدامك النبي صل الله عليه وسلم يقول تهادوا تحابوا يعني دي حاجة بسيطة مش قد المقام ولكن تهادوا تحابوا فدي بتعر عن الحب وايضا من الكلمات التي وردت في الحديث فانطلق وخشي ان يسبقوه فده وصف لمدي الخوف عليهم وحب الخير لهم وبكده اخذنا ثلاث عناصر من تركيب الجولة قولنا اول حاجة اختيار المكان والزمان انك تختار مكان وزمان مناسب 2الدخلة الخاطفة عشان تجذب انتباه اللي قدامك 3كلام الجولات بتاخذ فيها الأمثلة والقصص المؤثرة بتاخذ فيها القصص الواقعية بياخذ فيعا الدخلة الحانية انك تحسس اللي قدامك انك بتحبه وخايف عليه

رابعا التعامل مع العوارض والشبهات :

ازاي النبي صل الله عليه وسلم تعامل مع العوارض والشبهات لأن ده معرض في أي جولة انك مثلا بتكلمي بنتان او ثلاثة ويحصل مثلا عارض ويحصل أي شبهة فايه هي اعراض والشبهة التي حصلت هنا في الجولة هي كلام أبو لهب قال له تبا لك ام جمعنا الا لهذا النبي صل الله عليه وسلم تعامل مع العارض ده ازاي لم يلتفت ولم يرد ولم يتوقف ومن هذا نتعلم ألا تعطي لأحد الفرصة أن يقاطعك متخليش حد قدامك يقاطعك لازم تاكله بالكلام ومن أكبر أسباب المقاطعة في الجولة هو البطأ في سرد الافكار انك تتكلمي ببطا مش بسرعة لا الجولة غير الدرس الدرس يحتاج انك تتكلم ببطا وتشرح وتفصل اما الجولة لا لازم بسرعة الجولة لازم تاكل اللي قدامك لازم الكلام بسرعة فمن الاسباب التي تخلي اللي قدامك يقاطعك ويعرض شبهات او عوارض انك يلافيك بتتكلم ببطا وكده عشان كده قلنا لازم تستخدم اسلوب خاطف في الجولة زي ما قلت لكم كده انتم غي كلامكم ما شاء الله استفدت منه جدا اللي انتم طلعتوه كلمات سريعة وخطبات فهو ده اسمه قاعدة الاسلوب الخاطف في الجولة ان متزيدش الجملة او الفكرة اللي انت بتتكلم فيها عن خمسة وعشرين ثانية نصف دقيقة انك تتكلم عن كل فكرة في الجولة مدة لا تتعدي خمسة وعشرين ثانية نصف دقيقة وما تجبش قصص ما تجبش افكار طويلة لا خطبات بحيث تنقل بين كل فكرة وفكرة وبسرعة لا تعطي فرصة لمن امامك انه يفكر بالاضافة انه يقاطعك لن انت لو جبت أفكار طويلة وقعدت تسرد في الكلام اللي قدامك سوف يمل ويضطر أن يقاطعك انما عندما تكون اسلوب خاطف الجمل متربة وبسرعة والفكرة لا تزيد عن ثلاثين ثانية ما تديش فرصة لقدامك انه حتي يفكر انه ينشغل عنك علاوة علي انه يقاطعك من

صور المقاطعة في الجولة نك مثلا ممكن تقف مع شباب تيجي عربية مثلا من ورائك مشغلة أعاني بصوت عالي او مثلا تقف مع شباب مثلا في الجامعة وتعدي من جانبك نبت متبرجة او كده فيضطروا انهم يبصوا لها عشان تقطع دي افضل حل انك تزود من تركيزك ومن حدة نظراتك في عيونهم انك تزود من انتباهك لهم وتنظر لهم كويس لا تشغل انت عنهم لن انت المدعو عندما جيدك تنظر في عينه هيتكسف ويبص في عينك او علي الاقل هيبص في الارض مش هيبص جانبه عشان تقطع العوارض والشبهات انت ذات نفسك لا تلتفت يعني مثلا لو انت واقفة عملي جولة عربية عدت بصوت عالي لا تلتفتي انت لها لان النبي صل الله عليه وسلم عندما قال له ابو هب تبا لك ما بصش له وقعد يقول له لماذا تقول ذلك يا عمي لا ما التفتش خالص مقاله يا عمي انا ابن اخاك ولماذا تقول تبا لك خاص النبي صل الله عليه وسلم ما التفتش وما وقفش كمل فهو ده بالضبط انك أي عارض لا تلتفت له وتكمل وبسرعة وبكده قلنل اربع حاجات 1اختيار المكان 2الدخلة الخاطفة كلام الجولة 3كيفية التعامل مع العوارض والشبهات

خامسا التشكيل :

يعني هتشكل اللي قدامك علي ايه يعني نزله تشكلي بنت علي مثلا قيام الليل تشكليها علي أي حاجة يعني مش مجرد كلمتين وخالص لا التشكيل ده اللي هو الحاجة العملية اللي بنخرج بها من الجولة لازم تشكليها في الاخر علي حاجة التشكيل هنا في قول النبي صل الله عليه وسلم أنقذوا أنفسكم من النار وفي هنا سؤال لماذا لم النبي صل الله عليه وسلم التشكيل لمكان معين يعني مثلا أنا في جولة لما أنزل أعمل جولة بشكل اللي قدامي مثلا علي درس أو علي مسجد بنصلي فيه واقول له في الآخر والله أحنا بنصلي في مكان كذا كذا وفيه دروس عندنا كذا وكذا أو فيه درس للدكتور حازم كذا ليه النبي لم يقل لهم اللي عايز يسمع يجي دار الأرقم ابن أبي الأرقم أو نتقابل في المكان الفلاني فالنبي صل الله عليه وسلم لم يقل لهم أنا في مكان كذا وكذا ن أرادني فليأتين لأن النبي صل الله عليه وسلم سوف ييزل اليهم مرارا ويأتي اليهم في اماكنهم يعني مش دي المرة الوحيدة لا دا أنا هاجي مرة ثانية وثالثة ورابعة ودي حاجة جميلة جد 1 أنك تعمل جولة في نفس المكان أكثر من مرة انك تكرر الجولة وده بنعملة بفضل الله في الجولات عندنا انت المكان مثلا كل شهر مش كل يوم ولا كل اسبوع ليه عشان الناس لا تمل منك ولكن بتكرر الزيارة لنفس المكان خذ بالك ان الناس مهما ان تخيلت أن الناس لا تتأثر لا الناس بتتأثر حتي ولو بعد حين لأن الله سبحانه وتعالى قال فاصدع بنا تأمر ومن معاني الصدع في اللغة الشق ويقال صدع النبات الأرض أي شق النبات الأرض وخرج منها وكأن رينا يقول للنبي صل الله عيه وسلم يا محمد شق الباطل بالحق انك في الجولة بتعمل شقوق في قلوب اللي قدامك لحد ما في مرة جدار الغفلة اللي علي قلب المدعو ينشق خالصوينفذ اليه الكلام ده كان تركيب الجولة سريعا يعني الكلام سهل واحنا أخذنا معظمه في المادة قبل ذلك ولكن ده كان بصورة منظمة